

# Dámhachtain do Thionscadal Litríochta 2020/2021

Treoirlínte d'Iarratasóirí

Spríodhata: 5.30 pm, Déardaoin, 10 Meán Fómhair 2020

## Dámhachtain do Thionscadal Litríochta: seicliosta don iarratas

### CLÁR

<b>Seicliosta don iarratas</b>	<b>2</b>
<b>Cabhair a fháil maidir le d'iarratas</b>	<b>3</b>
<b>1. Faisnéis faoin Dámhachtain do Thionscadal Litríochta</b>	<b>4</b>
1.1 Cuspóirí agus tosaíochtaí na dámhachtana	4
1.2 Cé atá i dteideal iarratas a dhéanamh?	5
1.3 Cé hé an t-iarratasóir?	6
1.4 Cé nach bhfuil i dteideal iarratas a dhéanamh?	6
1.5 Cad ar ar féidir leat iarratas a dhéanamh?	6
1.6 Cad nach féidir leat iarratas a dhéanamh air?	7
1.7 Cén t-ábhar tacaíochta nach mór duit a chur isteach le d'iarratas?	8
1.8 Incháilitheacht	9
<b>2. D'iarratas a dhéanamh</b>	<b>11</b>
2.1 Cláraigh le Seirbhísí ar Líne na Comhairle Ealaíon	11
2.2 Líon isteach an fhoirm iarratais	12
2.3 Ullmhaigh aon ábhar tacaíochta atá riachtanach don iarratas	13
2.4 D'iarratas a dhéanamh ar líne	14
<b>3. Próiseáil agus measúnú na n-iarratas</b>	<b>16</b>
3.1 Forbhreathnú	16
3.2 An próiseas measúnaithe	16
3.3 Critéir chun iarratais a mheasúnú	16
3.4 Painéil phiaraí	17
3.5 Toradh na n-iarratas	19

## Seicliosta don iarratas

Úsáid na seicliostaí thíos chun a chinntiú go bhfuil d'iarratas comhlánaithe go hiomlán.

### Nithe riachtanacha do gach iarratas (cuir tic le gach uile cheann acu seo)

- Tá gach cuid den fhoirm iarratais a bhaineann leis an iarratas comhlánaithe agam/againn.
- Tá gach ábhar tacaíochta atá riachtanach ullmhaithe agam/againn (mar a shonraítear i gcuid 1.7 thíos), agus tá siad sin réidh le huaslódáil agam/againn.

### Míreanna atá éigeantach i gcás iarratais áirithe (cuir tic leo siúd a bhaineann le d'iarratas)

- Baineann mo thogra/ár dtogra le hobair atá dírithe ar leanaí agus/nó dhaoine óga faoi bhun 18 mbliana d'aois nó beidh leanaí agus/nó daoine óga faoi bhun 18 mbliana d'aois rannpháirteach ann. Tuigim/tuigimid má éiríonn leis an iarratas go mbeidh orm/orainn, mar choinníoll maoiniúcháin, a dheimhniú agus a léiriú go bhfuil beartais agus nósanna imeachta oiriúnacha um chosaint leanaí i bhfeidhm agam/againn. (Tá tuilleadh eolais ar [www.tusla.ie](http://www.tusla.ie).)
- Tá obair le daoine soghonta i gceist le mo thogra/ár dtogra, agus tá admháil go gcloítear leis an mbeartas agus na nósanna imeachta náisiúnta um chosaint daoine soghonta atá i mbaol mí-úsáide atá ar fáil ar [anseo](#) ("Safeguarding Vulnerable Persons at Risk of Abuse – National Policy and Procedures") curtha isteach agam.
- Tá obair le hainmhithe i gceist mar chuid de mo thogra/ár dtogra, agus tá cóip den cháipéis *Beartais agus Nósanna Imeachta um Chosaint agus Leas Ainmhithe* de mo chuidse nó de chuid m'eagraíochta curtha isteach agam/againn.

### Míreanna eile atá ábhartha do m'iarratas/dár n-iarratas, dar liom/linn (seiceáil iad siúd a bhaineann le d'iarratas)

- Braitheann mo thogra/ár dtogra ar shaineolas daoine nó eagraíochtaí ainmnithe eile, agus tá cáipéis ina sonraítear na daoine sin agus a gcuid saineolais réidh le huaslódáil agam/againn.
- Áirítear le mo thogra/ár dtogra ábhar eile atá ábhartha do m'iarratas/dár n-iarratas agus atá réidh le huaslódáil agam/againn.

### An dara tuairim (cuir tic leis an mír seo)

- D'iarr mé/muid ar dhuine éigin eile m'iarratas/ár n-iarratas a sheiceáil chun a chinntiú nach bhfuil aon earráidí ann agus nach bhfuil aon rud ar iarraidh.

## Cabhair a fháil maidir le d'iarratas

---

- Déanann an Chomhairle Ealaíon gach iarracht freastal réasúnta a dhéanamh ar dhaoine atá faoi mhíchumas ar mian leo iarratas a chur isteach nó a bhfuil deacrachtaí acu teacht ar Sheirbhísí ar Líne. Má tá riachtanas agat sa réimse sin, téigh i dteagmháil le hOifigeach Rochtana na Comhairle Ealaíon, Adrienne Martin, ar an nguthán (01 6180219) nó ar ríomhphost ([adrienne.martin@artscouncil.ie](mailto:adrienne.martin@artscouncil.ie)) **trí seachtaine ar a laghad roimh** an spriocdháta.
- Má tá ceist theicniúil agat faoi shuíomh gréasáin na Seirbhísí ar Líne a úsáid, is féidir leat ríomhphost a sheoladh chuig [onlineservices@artscouncil.ie](mailto:onlineservices@artscouncil.ie)
- Tá freagraí ar cheisteanna coitianta maidir leis na Seirbhísí ar Líne a úsáid ar fáil i rannán na gCeisteanna Coitianta ar shuíomh gréasáin na Comhairle Ealaíon ag <http://www.artscouncil.ie/ga/Teigh-i-dteagmhail-linn/FAQS/Seirbhisi-ar-line/Seirbhisi-ar-line/>
- Téigh chuig an nasc seo a leanas chun féachaint ar ár dtreoir ar YouTube maidir le hiarratas a dhéanamh: <http://www.youtube.com/artscouncildemos>
- Má tá cabhair uait maidir leis an méid atá i d'iarratas, is féidir leat dul i dteagmháil leis an gComhairle Ealaíon ag 01 6180200 nó ar an ríomhphost ag [awards@artscouncil.ie](mailto:awards@artscouncil.ie)

# 1. Faisnéis faoin Dámhachtain do Thionscadal Litríochta

---

## 1.1 Cuspóirí agus tosaíochtaí na dámhachtana

Thug an Chomhairle Ealaíon Dámhachtain do Thionscadal Litríochta isteach mar aitheantas ar an tírdhreach athraitheach d'obair liteartha in Éirinn. Tuigimid go bhfuil go leor bealaí ann ina gcuirtear litríocht i láthair léitheoirí agus lucht léitheoireachta, agus go mbíonn scríbhneoirí ag obair ar bhealaí nua agus nuálacha go minic agus i gcomhar le scríbhneoirí nó ealaíontóirí eile ó dhisciplíní eile.

Dá bharr sin, forbraíodh an Dámhachtain do Thionscadal Litríochta chun tacú le tionscadail ina dtéann an litríocht i bhfeidhm ar léitheoirí agus ar lucht léitheoireachta. Tacóidh an Dámhachtain do Thionscadal Litríochta le tionscadail a chuireann ar chumas scríbhneoirí agus maisitheoirí taighde a dhéanamh agus saothar a fhorbairt agus a chruthú ar bhealaí nua agus nuálacha.

Tacóidh an Dámhachtain do Thionscadal Litríochta le raon leathan gníomhaíochtaí, lena n-áirítear, ach gan a bheith teoranta do:

- Foilseacháin thraidisiúnta
- Foilseacháin dhigiteacha
- Cuir i láthair dhigiteacha
- Imeachtaí beo liteartha nó scéalaíochta
- Reacaireachtaí
- Cainteanna
- Taifeadtaí
- Podchraoltaí
- Tionscadail forbartha léitheoirí
- Ceardlanna
- Cónaitheachtaí
- Tionscadail scríbhneoireachta comhoibríche
- Litríocht ó bhéal/beo
- Tionscadail/cleachtais thurgnamhacha scríbhneoireachta
- Forbairt agus taighde comhoibríoch
- Cuir i láthair nuálacha

D'fhéadfaí tionscadail a fhorbairt agus a dhéanamh ar líne/go digiteach nó ar bhealach atá níos traidisiúnta.

D'fhéadfadh sé go mbeadh ficsean, filíocht, litríocht leanaí, maisiúchán leanaí, neamhfhicsean cruthaitheach, scríbhneoireacht chriticiúil nó aistriúchán i gceist le tionscadal.

D'fhéadfadh scríbhneoirí aonair agus/nó maisitheoirí, grúpa scríbhneoirí agus/nó maisitheoirí, foilsitheoirí, irisleabhair, féilte, ionaid ealaíon, leabharlanna nó siopaí leabhar iarratas a dhéanamh.

Tacaíonn an Dámhachtain do Thionscadal Litríochta le gníomhaíochtaí agus torthaí ar leith, seachas sraith imeachtaí nó gníomhaíochtaí. Ba cheart go mbeadh tús agus deireadh sainithe le Tionscadail Litríochta; is féidir tacú le gníomhaíochtaí leanúnacha trí chlár maoinithe eile

de chuid na Comhairle Ealaíon, lena n-áirítear Maoiniú Straitéiseach agus Maoiniú Deontais do na hEalaíona. Chomh maith leis sin tugtar tacaíocht d'fhéilte agus d'imeachtaí trí Scéim Infheistíochta na bhFéilte.

Ba cheart do scríbhneoirí a bhfuil níos mó ama ag teastáil uathu chun píosa sonrach scríbhneoireachta a fhorbairt iarratas a dhéanamh ar an Dámhachtain Sparánachta Litríochta.

### Sainmhíniú ar litríocht

Chun críocha na dámhachtana seo, sainmhíonann an Chomhairle Ealaíon **litríocht** mar seo a leanas:

- Ficsean
- Filíocht
- Neamhfhicsean Cruthaitheach
- Úrscéalta
- Ficsean & filíocht do leanaí
- Leabhair phictiúr mhaisithe grafacha
- Critic liteartha
- Beathaisnéis/dírbeathaisnéis liteartha chomhaimseartha

Go sonrach, **ní áirítear** scríbhneoireacht sa sainmhíniú seo i réimsí amhail scríbhneoireacht scáileáin, iriseoireacht, stair, scríbhneoireacht reiligiúnach agus scríbhneoireacht ghairmiúil, scríbhneoireacht teagaisc agus scríbhneoireacht acadúil. Ní áirítear maisiú chun críche fógraíochta ná maisiú i gcomhair cúiseanna lasmuigh d'fhoilsiú leabhair sa sainmhíniú seo.

---

Cuireann straitéis deich mbliana na Comhairle Ealaíon (2016–2025), *Saothar Ealaíne Iontach a Tháirgeadh: Forbairt na nEalaíon in Éirinn a Threorú* an bonn eolais faoi na dámhachtainí uile (féach anseo: <http://www.artscouncil.ie/ga/straiteis-na-comhairle-ealaion/>).

## 1.2 Cé atá i dteideal iarratas a dhéanamh?

Tá an dámhachtain oscailte d'ealaíontóirí aonair, do ghrúpaí ealaíontóirí<sup>1</sup> agus d'eagraíochtaí<sup>2</sup> atá ag obair i réimse na litríochta. Le bheith i dteideal iarratas a dhéanamh, ní mór d'iarratasóirí na riachtanais seo a leanas a shásamh:

- A bheith ina gcónaí i bPoblacht na hÉireann. Bíonn cásanna eisceachtúla ann nuair a ghlacann an Chomhairle Ealaíon le hiarratais incháilithe ó dhaoine nach cónaitheoirí de chuid Phoblacht na hÉireann iad. Sula n-admhódh an Chomhairle Ealaíon go bhfuil iarratais den sórt sin incháilithe, áfach, bheadh ar an iarratasóir a shonrú go soiléir san iarratas an chaoi a gcuirfeadh torthaí togra den sórt sin leis na healaíona i bPoblacht na hÉireann, agus chaithfeadh an Chomhairle Ealaíon a bheith sásta leis sin freisin.
- De réir Dhualgas na hEarnála Poiblí um Chomhionannas agus Cearta an Duine, tá an Chomhairle Ealaíon tiomanta do chinntiú go dtugtar faoi bhearta beartais dhearfaigh chun comhionannas deiseanna a chur chun cinn do gach duine a chónaíonn in Éirinn,

---

<sup>1</sup> Sainmhíonann an Chomhairle Ealaíon ealaíontóir 'gairmiúil' mar dhuine a chuireann síos air féin mar ealaíontóir gairmiúil cleachtach, agus a aithnítear mar sin i measc a phiaraí. Ní gá don iarratasóir a shlí bheatha a dhéanamh go heisiach trína chleachtas ealaíon.

<sup>2</sup> Áirítear grúpaí scríbhneoirí, foilsitheoirí, irisleabhair, féilte, ionaid ealaíon, leabharlanna agus siopaí leabhar orthu siúd arbh fhéidir leo iarratas a dhéanamh.

beag beann ar inscne, gnéaschlaonadh, stádas sibhialta nó teaghlaigh, creideamh, aois, míchumas, cine nó duine den Lucht Taistil. Ina theannta sin, tarraingíonn an Chomhairle Ealaíon aird ar an gcúlra socheacnamaíoch mar fhoras eile ina gcaithfear comhionannas deiseanna a chinntiú. Dá bhrí sin, cuireann an Chomhairle Ealaíon fáilte roimh iarratais ó gach cuid de shochaí na hÉireann, na tréithe thuasluaite ina measc ach nach bhfuil teoranta dóibh.

Dá bhrí sin, cuireann an Chomhairle Ealaíon fáilte roimh iarratais ó gach cuid de shochaí na hÉireann, na tréithe thuasluaite ina measc ach nach bhfuil teoranta dóibh.

### 1.3 Cé hé an t-iarratasóir?

Is ionann an t-iarratasóir agus an duine nó an eagraíocht a gheobhaidh aon deontas a thairgfear agus a bheidh freagrach as glacadh le téarmaí agus le coinníollacha an deontais sin.

Ní íocfar aon deontas a thairgfear ach isteach i gcuntas bainc atá á shealbhú in ainm an iarratasóra.

Ní mór go mbeadh na cáipéisí go léir a chuirfear ar fáil in ainm an iarratasóra (ealaíontóir aonair nó eagraíocht ealaíon) – e.g. má dhéanann tú iarratas chuig an gComhairle Ealaíon ar mhaoiniú faoin ainm Máire de Barra, ní mór go mbeadh gach cáipéis, lena n-áirítear sonraí bainc agus sonraí cánach, san ainm sin. Ní ghlacfar le leaganacha malartacha amhail Mary Barry nó Barry Studios.

### 1.4 Cé nach bhfuil i dteideal iarratas a dhéanamh?

Áirítear leo seo a leanas na daoine nach bhfuil i dteideal iarratas a dhéanamh:

- Eagraíochtaí a fhaigheann maoiniú faoi láthair faoi chlár dheontais na Comhairle Ealaíon (Maoiniú Straitéiseach, Maoiniú d'Ionaid Ealaíon agus Maoiniú Comhpháirtíochta).
- Daoine aonair nó eagraíochtaí nach bhfuil cuntas teiste inléirithe mar ealaíontóirí ná eagraíochtaí gairmiúla acu
- Daoine atá i mbun oideachas fochéime nó iarchéime faoi láthair nó a bheidh ina bhun le linn na tréimhse ina bhfuil an dámhachtain seo ar fáil
- **Tabhair faoi deara:** ní féidir leat iarratas a dhéanamh ar an dámhachtain mar dhuine aonair agus mar bhall d'eagraíocht – e.g. ní féidir leat iarratas a dhéanamh mar stiúrthóir ealaíne ar chuideachta agus iarratas a dhéanamh faoi d'ainm féin freisin
- **Ní féidir** le heagraíochtaí agus/nó le daoine aonair a rinne iarratas ar Mhaoiniú Deontais do na hEalaíona 2021 iarratas a dhéanamh ar Thionscadail 2021
- **Tabhair faoi deara:** níl cead ag eagraíochtaí cur isteach ar Dhámhachtain Tionscadail agus ar Mhaoiniú Straitéiseach 2021 araon

### 1.5 Cad ar ar féidir leat iarratas a dhéanamh?

D'fhéadfá oiread agus €20,000 a iarraidh.

Chomh maith leis na gnáth-theorainneacha a luaitear thuas, déanfaidh an Chomhairle Ealaíon breithniú ar chostais a bhaineann go sainiúil le cruthú saothair ag ealaíontóirí faoi mhíchumas. Más mian leat cur isteach ar mhaoiniú breise ar an mbonn sin, ba cheart duit faisnéis a chur ar fáil le d'iarratas ag sonrú na gcostas breise sin.

## Cé mhéad maoinithe ar féidir leat iarratas a dhéanamh air?

Agus tú ag cur isteach ar mhaoiniú Dámhachtana do Thionscadal Litríochta, ní mór duit buiséad mionsonraithe a chur isteach ar a liostáiltear gach mír ioncaim agus chaiteachas a bhaineann leis an togra atá beartaithe.

Is ionann an t-uasmhéid maoinithe is féidir leat a iarraidh agus an difríocht idir an **caiteachas beartaithe** agus an **t-ioncam beartaithe** a shonraíonn tú sa bhuiséad.

- Ba cheart go n-áireofaí leis an gcaiteachas beartaithe táillí iomlána\*, pá, costais theicniúla, costais riaracháin, etc.
- Ba cheart go n-áireofaí leis an ioncam beartaithe an méid airgid a shíleann tú a gheofar ó mhaoinitheoirí eile, fáltais ó dhíol ticéad, díolacháin chlár, etc.

Tá sé tábhachtach freisin gach tacaíocht chomhchineáil\*\* a léiriú san ioncam agus sa chaiteachas araon chun fíorluach agus luach iomlán do thogra a chur in iúl.

---

**\*Nóta maidir le pá ealaíontóirí** Tá an Chomhairle Ealaíon tiomanta do phá agus coinníollacha ealaíontóirí a fheabhsú. D'fhoilsíomar [beartas](#) maidir le luach saothair agus conraitheoireacht chóir chothrom ealaíontóirí. Tá sé tábhachtach go léann tú an beartas sin sula ndéanann tú d'iarratas. Iarrfar ort, mar chuid den phróiseas iarratais, an chaoi a gcinnteoidh tú pá cóir agus coinníollacha cearta do na healaíontóirí a oibríonn leat a leagan amach. Cabhróidh sé seo linn indéantacht d'iarratais a mheas.

**\*\*Nóta i dtaobh tacaíocht chomhchineáil** Má tá tú ag súil le tacaíocht chomhchineáil a fháil, is gá duit luach airgeadais a chur uirthi ionas go mbeidh an ranníocaíocht a dhéanann sí le fíorluach do thogra soiléir. Ba cheart duit caitheamh le tacaíocht chomhchineáil mar chaiteachas agus mar ioncam araon: pé méid a dhearbhaíonn tú ar thaobh an chaiteachais, ba cheart duit é a dhearbhu freisin ar thaobh an ioncaim.

Ní féidir am a thugann na stiúrthóirí nó comhaltaí boird a áireamh mar chostas comhchineáil.

---

Iarrtar ort an t-ioncam, an caiteachas agus an méid atá á iarraidh agat a shonrú ag trí chéim le linn d'iarratais:

- Ar an mbuiséad mionsonraithe a chuireann tú isteach mar chuid d'iarratas
- Ar líne, nuair a chuirfidh tú tús leis an iarratas (na figiúirí iomlána amháin)
- I gcuid 3 den fhoirm iarratais.

Cinntigh go bhfuil na figiúirí iomlána mar an gcéanna sna trí chás, agus cinntigh gurb ionann an méid atá á iarraidh agus CAITEACHAS IOMLÁN lúide IONCAM IOMLÁN.

## 1.6 Cad nach féidir leat iarratas a dhéanamh air?

Ní fhéadfaidh tú cur isteach ar níos mó ná dámhachtain tionscadail amháin in aon fhoirm ealaíne/aon chleachtas ealaíon in aon bhabhta maoiniúcháin amháin, e.g. ní féidir le hiarratasóir iarratas a dhéanamh ar Dhámhachtain do Thionscadal Litríochta agus ar Dhámhachtain do Thionscadal Amharclannaíochta in aon bhabhta amháin.

I measc na ngníomhaíochtaí agus na gcostas nach féidir leat cur isteach orthu, tá siad seo a leanas:

- Mórcheannacháin chaipitiúla
- Príomhchostais Leanúnacha
- Gníomhaíochtaí atá níos oiriúnaí do dhámhachtain eile a mhaoiníonn an Chomhairle Ealaíon nó a fheidhmíonn gníomhaireachtaí Stáit eile, Cultúr Éireann san áireamh
- Gníomhaíochtaí atá thart nó a thosófar roimh an 1 Samhain 2020
- Gníomhaíochtaí chun airgead a thiomsú le haghaidh carthanais, chun páirt a ghlacadh i gcomórtas, nó a bheidh ar siúl go príomha chun brabús a dhéanamh
- Gníomhaíochtaí atá measúnaithe cheana ag an gComhairle Ealaíon, ach amháin má mhol an Chomhairle Ealaíon duit go sonrath d'iarratas a atreorú chuig an dámhachtain seo. Cuimhnigh, áfach, nach ionann a leithéid de chomhairle agus léiriú go n-éireoidh leis an iarratas.

### 1.7 Cén t-ábhar tacaíochta nach mór duit a chur isteach le d'iarratas?

Ciallaíonn ábhar tacaíochta ábhar **ar leith ó** d'fhoirm iarratais agus **sa bhreis air**. Cabhraíonn sé seo leis an duine a bhfuil measúnú á dhéanamh aige ar d'iarratas chun tuiscint níos soiléire a fháil ar do thogra. Léigh go cúramach cén t-ábhar tacaíochta a theastaíonn thíos, mar is é an chúis is mó a meastar iarratais a bheith neamh-incháilithe ná go dteiptear cloí leis seo.

Le bheith incháilithe le haghaidh measúnú i gcomhair Dámhachtana do Thionscadal Litríochta **caithfidh** tú an t-ábhar tacaíochta seo a leanas a chur isteach ar líne:

- Beathaisnéisí nó CVanna atá cothrom le dáta (**trí leathanach ar a mhéad**) i gcomhair na bpríomhealaíontóirí a bheidh páirteach sa tionscadal a bheartaítear
- Buiséad mionsonraithe – ní mór é a chur isteach as féin anuas ar an bhfaisnéis bhuiséadach a iarrtar san fhoirm iarratais. Ba cheart na costais aonair go léir, agus ioncam réamh-mheasta ar bith, a bhaineann leis an tionscadal a leagan amach ann. **Tabhair faoi deara:** ní mór na rátaí pá a mholtar do gach duine a bheidh rannpháirteach a chur isteach ann; ba cheart go mbeadh na rátaí pá réalaíoch agus i gcomhréir le leibhéal thaithí ghairmiúil na gcleachtóirí.
- Litreacha/ríomhphoist tacaíochta agus/nó cóipeanna de mheabhráin tuisceana ina sonraítear comhoibriú agus/nó ina ndeimhnítear aon ghealltanais ioncaim, idir airgead tirim nó ioncam comhchineáil, i leith an togra
- Samplaí a thaispeánann obair a rinneadh roimhe seo agus atá ábhartha don tionscadal atá beartaithe, oiread agus cúig cinn ar a mhéad. Féach ar an gcuid maidir leis **na formáidí comhaid a nglactar leo** chun tuilleadh eolais a fháil air sin.

Ag brath ar an gcineál togra atá ann, d'fhéadfadh sé go mbeadh na nithe seo i leanas i gceist le samplaí:

- Samplaí scripte/scribhneoireachta **nach faide ná deich leathanach ar fad**
- Léirmheasanna/bróisiúir/ailt – cuir teorainn le méid comhaid na mbróisiúir
- Fianaise ar dhuaiséanna/ar ghradaim
- Íomhánna socra
- Íomhánna gluaisteacha/ábhar físe **nach faide ná deich nóiméad** ar fad
- Taifeadtaí **nach faide ná deich nóiméad** ar fad



- Cineálacha eile cáipéisí a mheasann tú a bheith ábhartha do do thogra laistigh de theorainn trí leathanach
- Sa chás go bhfuil toradh poiblí ar an togra tionscadail, plean margaíochta agus/nó plean scaipthe agus/nó plean rannpháirtíochta ina dtugtar breac-chuntas ar cé dó an obair agus conas a chuirfear ar chumas daoine/conas a spreagfar daoine chun dul i ngleic leis an obair.

**Tabhair faoi deara:** mura gcuireann tú gach a luaitear thuas ar fáil, meastar go bhfuil d'iarratas **neamh-incháilithe** agus ní dhéanfar é a mheas.

D'fhonn an líon mór iarratas a fhaighimid de ghnáth a mheas go tráthúil, **ní féidir linn** aon ábhar tacaíochta seachas na cinn a liostáiltear thuas a athbhreithniú.

### **Faisnéis bhreise a bhíonn de dhíth i gcásanna áirithe:**

- Éilíonn an Chomhairle Ealaíon ar gach duine aonair agus ar gach eagraíocht a sholáthraíonn seirbhísí (mar shampla seirbhísí cultúrtha, áineasa, oideachais) do leanaí agus do dhaoine óga atá faoi bhun ocht mbliana déag d'aois beartais agus nósanna imeachta oiriúnacha um chosaint leanaí a chur i bhfeidhm. Agus iarratas á dhéanamh agat, caithfidh tú a chur in iúl cé acu a bhaineann do thogra leis an aoisghrúpa seo nó nach bhaineann (i gcuid 1.3 den fhoirm iarratais). Má fhreagraíonn tú 'Tá' ar an gceist seo san fhoirm iarratais agus má éiríonn le d'iarratas, beidh ort, mar choinníoll maoiniúcháin, a dheimhniú agus a léiriú go bhfuil beartais agus nósanna imeachta oiriúnacha um chosaint leanaí i bhfeidhm agat. Tá tuilleadh eolais ar [www.tusla.ie](http://www.tusla.ie).
- Má tá obair le daoine soghonta i gceist le do thogra, ní mór duit a dhearbhu go gcloíonn tú leis an mbeartas agus na nósanna imeachta náisiúnta um chosaint daoine soghonta atá i mbaol mí-úsáide (féach [anseo](#)) ("*Safeguarding Vulnerable Persons at Risk of Abuse – National Policy and Procedures*").
- Má tá obair le hainmhithe i gceist le do thogra, ní mór duit cóip den cháipéis Beartas agus Nósanna Imeachta um Chosaint Ainmhithe de do chuid a chur ar fáil.

**Measfar go mbeidh d'iarratas neamh-incháilithe mura gcuirtear an t-ábhar riachtanach tacaíochta ar fad isteach.**

## **1.8 Incháilitheacht**

Measfar go bhfuil d'iarratas **neamh-incháilithe** agus ní chuirfear é chun cinn go dtí an chéad chéim eile den phróiseas má bhaineann aon cheann de na rudaí seo a leanas leis:

1. Chuir tú an t-iarratas isteach i ndiaidh an spriocdháta.
2. Níor sheol tú isteach foirm iarratais chomhlánaithe trí Sheirbhísí ar Líne na Comhairle Ealaíon (ní ghlacfar le foirm iarratais a cheanglaítear mar cháipéis tacaíochta).
3. Níor chomhlánaigh tú gach cuid den fhoirm iarratais a bhaineann le do thogra.

4. Níl tú incháilithe iarratas a dhéanamh faoi na critéir a leagtar amach i gcuid 1.2 agus i gcuid 1.4 thuas.
5. Chuir tú isteach ar mhéid maoinithe atá níos mó ná an t-uasmhéid a cheadaítear don dámhachtain ar a bhfuil iarratas á dhéanamh agat, faoi mar a leagtar amach i gcuid 1.5 thuas.
6. Chuir tú iarratas isteach le haghaidh gníomhaíochta nó cuspóra nach féidir iarratas a dhéanamh ina leith faoi mar a leagtar amach i gcuid 1.6 thuas.
7. Níor chuir tú gach ceann de na hábhair thacaíochta riachtanacha mar a leagtar amach i gcuid 1.7 thuas ar fáil.
8. Tá d'iarratas níos oiriúnaí do chlár maoinithe eile a thairgeann an Chomhairle Ealaíon nó gníomhaireacht mhaoinithe eile (cuirfimid an deis maoinithe níos oiriúnaí in iúl duit sa chás seo).

**Tabhair faoi deara:** sa chás go meastar go bhfuil d'iarratas neamh-incháilithe, ní dhéanfar measúnú air agus beidh tú incháilithe iarratas a dhéanamh leis an togra céanna i mbabhtaí maoinithe sa todhchaí. Ba cheart duit a chinntiú go gcomhlíonann tú na riachtanais incháilitheachta má chuireann tú isteach arís ar mhaoiniú eile.

## 2. D'iarratas a dhéanamh

---

### 2.1 Cláraigh le Seirbhísí ar Líne na Comhairle Ealaíon

Ní mór gach iarratas a dhéanamh trí Sheirbhísí ar Líne na Comhairle Ealaíon; ní ghlacfar le hiarratais a dhéanfar ar bhealach ar bith eile (sa phost, ar facs nó ar ríomhphost).

Ní mór go mbeadh cuntas Seirbhísí ar Líne agat chun iarratas a dhéanamh. Mura bhfuil cuntas Seirbhísí ar Líne agat cheana féin, cláraigh do chuntas tríd an bhfoirm chlárúcháin a chomhlánú anseo: <https://onlineservices.artscouncil.ie/register.aspx?&lang=gd-ge>.

Laistigh de chúig lá oibre seolfar ARN (uimhir thagartha ealaíontóra) uathúil agus pasfhocal chugat (i ríomhphost), agus beidh tú in ann úsáid a bhaint astu chun logáil isteach ar na Seirbhísí ar Líne.

#### Riachtanais maidir leis na Seirbhísí ar Líne a úsáid

Ní mór do do ríomhaire agus don bhrabhsálaí idirlín na riachtanais seo a leanas a chomhlíonadh ionas go n-oibreoidh na Seirbhísí ar Líne duit:

---

<b>Ríomhaire</b>	Windows 7 nó níos déanaí le Internet Explorer 8.0 nó níos déanaí NÓ Firefox 27 nó níos déanaí NÓ Chrome 33 nó níos déanaí
<b>Mac</b>	Mac OS X v10.5 Leopard nó níos déanaí le Safari 3.1 nó Safari 10 NÓ Firefox 27 nó níos déanaí NÓ Chrome 32 nó níos déanaí <b>Tabhair faoi deara:</b> Má choisceann Safari 11 uaslódáil cáipéisí, úsáid Firefox nó Chrome

---

**Tabhair faoi deara:** ní mór go mbeadh Microsoft Word nó OpenOffice Writer ar an ríomhaire freisin chun an fhoirm iarratais féin a chomhlánú. Bogearraí saor in aisce é OpenOffice Writer is féidir a íoslódáil anseo: <http://www.openoffice.org>.

#### Ní mór duit leagan OpenOffice Writer 4.0.1 nó níos túisce a úsáid.

Nuair a úsáideadh leaganacha níos déanaí de OpenOffice Writer ná 4.0.1 bhí fadhbanna leis an gcuma a bhí ar na foirmeacha iarratais nuair a cuireadh isteach trí na seirbhísí ar líne iad.

Féach ar fhíseán na Comhairle Ealaíon *Using OpenOffice to download, complete and upload the application form* ag <https://www.youtube.com/user/ArtsCouncilDemos>.

Ba cheart d'úsáideoirí Apple Mac aird a thabhairt ar an gcuid a phléann le leagan 4.0.1 a íoslódáil ar Apple Mac a bhfuil an leagan is déanaí de Mac OS suiteáilte air.

**Tabhair faoi deara:** i gcomhair MacOS 10.15 Catalina, iarrtar ort OpenOffice Writer 4.1.7. a úsáid.

Mura féidir leat aon cheann de na riachtanais sin a chomhlíonadh nó mura dtuigeann tú iad, téigh i dteagmháil linn le comhairle a fháil chomh luath agus is féidir leat roimh an spriocdháta.

### Fág do dhóthain ama agat féin chun an t-iarratas a chomhlánú

Ba cheart duit eolas a chur ar shuíomh gréasáin na Seirbhísí ar Líne tamall maith roimh an spriocdháta agus roimh duit iarratas a ullmhú. Is dócha go mbeidh an-chuid cuairteoirí ar an suíomh tráthnóna an spriocdháta. Ba cheart duit d'iarratas a ullmhú agus a chur isteach tamall maith roimh an spriocdháta.

D'fhéadfadh an t-am uaslódála a bheith i bhfad níos faide ná an t-am íoslódála. D'fhéadfadh sé go dtógfadh sé níos faide ná mar a cheapfá d'ábhar tacaíochta a uaslódáil.

### Tacaíocht theicniúil a fháil

Má bhíonn tacaíocht theicniúil uait agus iarratas ar líne á dhéanamh agat, is féidir leat dul i dteagmháil leis an gComhairle Ealaíon ach ríomhphost a sheoladh chuig [onlineservices@artscouncil.ie](mailto:onlineservices@artscouncil.ie) nó trí ghlaoch a chur ar 01 6180200. Molaimid duit aon deacrachtaí teicniúla a thuairisciú dúinn tamall maith roimh an spriocdháta. Tabhair uimhir ghutháin agus déan cinnte go bhfuil tú ar fáil chun glaoch uainn a fhreagairt.

Déileálaimid le fiosruithe ar bhonn tús freastail ar an gceann is túisce.

Cuimhnigh go ndéantar anrud glaonna ag druidim leis an spriocdháta agus go mb'fhéidir nach réiteofar glaonna i dtaobh tacaíocht theicniúil a gheofar tar éis 2.30pm ar an dáta deiridh roimh an spriocdháta.

## 2.2 Líon isteach an fhoirm iarratais

Mura bhfuil sé seo déanta agat cheana féin, íoslódáil an fhoirm iarratais don dámhachtain ar mian leat iarratas a dhéanamh uirthi. Is cáipéis atá comhoiriúnach le Microsoft Word/OpenOffice Writer í an fhoirm iarratais, a chomhlánóidh tú as líne (ar do ríomhaire féin). Tugtar treoir ar an bhfoirm iarratais maidir le conas gach cuid den fhoirm a líonadh isteach.

### Do chás a chur i láthair

Tabhair faoi deara: tá sé tábhachtach cuimhneamh go bhféadfadh sé nach bhfuil cur amach ar do shaothar in aon chor ag na daoine a bheidh i mbun measúnú ar d'iarratas agus ag déanamh cinnidh maidir leis. Beidh an breithiúnas a thabharfar bunaithe ar an eolas a thabharfaidh tú i d'fhoirm iarratais agus ar shamplaí de shaothar roimhe seo agus ar eolas eile san ábhar tacaíochta.

Chun an cás is fearr a chur i láthair maidir le cén fáth ar cheart duit dámhachtain a fháil, ba cheart duit machnamh ar leith a dhéanamh ar a gcuirfidh tú sna codanna seo a leanas den fhoirm iarratais:

---

#### 1.6 Inis dúinn fút féin

Déanann tú cur síos ar do shaothar anseo. Ba cheart duit éachtaí a bhain tú amach le déanaí a lua anseo, ach freisin ba cheart duit léargas ginearálta a thabhairt ar na rudaí is mó a bhfuil spéis agat iontu agus an uailmhian atá agat mar ealaíontóir/chompántas.

---

#### 2.2 Achoimre ar do thogra

Déan achoimre ar do thogra (suas le trí phointe ghearra). Go bunúsach, ba cheart go gcumhdófaí trí phríomhphointe anseo: **cad** is mian leat a dhéanamh, **conas** atá tú chun é a dhéanamh, agus **cén fáth** a measann tú gur fiú tacaíocht a thabhairt do do thogra.

Má éiríonn le d'iarratas, foilseofar an achoimre seo ar na

---

	leathanaigh <b>Cé atá Maoinithe againn</b> ar shuíomh gréasáin na Comhairle Ealaíon; ar an ábhar sin, ba cheart duit a mheabhrú go bhféadfadh níos mó daoine ná measúnoirí na Comhairle Ealaíon an méid a scríobhann tú a léamh.
<b>2.3 Sonraí faoi do thogra</b>	Cuid lárnach de do thogra is ea an méid a scríobhfaidh tú anseo agus ba cheart go gcabhródh sé leis na daoine a bheidh i mbun measúnú ar d'iarratas tuiscint a fháil ar cad is mian leat a dhéanamh agus cén fáth. Tá sé tábhachtach gnéithe ealaíonta agus praiticiúla araon de do thogra a chlúdach. D'fhéadfaí go gcuimseoidís mionsonraí de do chuid spriocanna agus uailmhianta ealaíonta sa mhór-chomhthéacs ina bhfuil tú ag déanamh an togra, agus aon fhaisnéis eile a mheasann tú a bheith ábhartha. D'fhéadfaí go gcuimseofaí ina theannta sin sonraí praiticiúla amhail sceidil, eolas ar phríomhpháirtithe, agus aon sonraí riaracháin, teicniúla nó airgeadais eile atá ábhartha i do thuairim.
<b>2.4 Pá agus coinníollacha d'ealaíontóirí</b>	Sa chuid seo, ba cheart duit a leagan amach conas a chinnteoidh tú go bhfaighidh ealaíontóirí ar bith a mbeidh baint acu le do thogra pá agus coinníollacha cearta de réir bheartas na Comhairle Ealaíon maidir le Luach Saothair don Ealaíontóir.
<b>2.5 D'iarratas agus na critéir mheasúnaithe</b>	Déan cur síos ar an dóigh a gcomhlíonann d'iarratas gach ceann de na critéir mheasúnaithe le haghaidh dámhachtain tionscadail – féach ar chuid <b>3.3 Critéir chun iarratais a mheasúnú</b> .
<b>Cuid 3 – eolas buiséadach</b>	Cé go mbítear ag súil leis i bhformhór na gcásanna go soláthrófar faisnéis bhreise mhionsonraithe bhuiséadach mar chuid de d'ábhar tacaíochta, ba cheart duit an phríomh-fhaisnéis faoin gcaiteachas agus faoin ioncam a thabhairt anseo, chun an chaoi ar tháinig tú ar an méid atá á iarraidh agat a thaispeáint.
<b>Cuid 4 – ábhar tacaíochta</b>	Cuir tic sna boscaí chun a thaispeáint gur chuir tú an t-ábhar ceart tacaíochta isteach le d'iarratas.

### 2.3 Ullmhaigh aon ábhar tacaíochta atá riachtanach don iarratas

Ní mór duit ábhar tacaíochta a chur isteach le d'iarratas. De ghnáth, áirítear leis sin samplaí de shaothar reatha de do chuid – e.g., téacs, físeán, íomhánna, nó taifeadtaí fuaimne (féach ar chuid **1.7 Cén t-ábhar tacaíochta nach mór duit a chur isteach le d'iarratas?**).

Ní mór duit an t-ábhar tacaíochta uile den sórt sin a chur isteach ar líne – ba cheart duit, más gá, ábhar a scanadh nó a shábháil i bhformáid leictreonach.

#### Na formáidí comhaid a nglactar leo

Liostaítear sa tábla seo a leanas na formáidí comhaid a nglactar leo mar chuid d'iarratas ar dhámhachtain tionscadail.

---

<b>Cineál comhaid</b>	<b>Iarmhír comhadainm</b>
téacschomhaid	.rtf/.doc/.docx/.txt
comhaid íomhá	.jpg/.gif/.tiff/.png
comhaid fuaime	.wav/.mp3/.m4a
comhaid físe	.avi/.mov/.mp4
scarbhileoga	.xls/.xlsx
Comhaid Adobe Acrobat Reader	.pdf

---

Ar mhaithe le háisiúlacht, bailigh le chéile na comhaid go léir a theastóidh uait in áit inrochtana ar do ríomhaire.

### **Naisc YouTube a chur isteach**

Féadfaidh tú naisc a chur ar fáil chuig ábhar atá á óstáil ar YouTube ([www.youtube.com](http://www.youtube.com)) seachas an t-ábhar a uaslódáil go díreach. Chun é sin a dhéanamh, cóipeáil an URL (seoladh iomlán na háite ina bhfuil d'ábhar á óstáil ar YouTube) isteach i gcáipéis atá comhoiriúnach le Microsoft Word nó le OpenOffice Writer nó a comhionann agus uaslódáil í mar cháipéis tacaíochta ina bhfuil nasc gréasáin.

**Tabhair faoi deara:** ní mór go mbeadh aon naisc a chuireann tú ar fáil á n-óstáil ar YouTube. Ní fhéachfar ar naisc le suíomhanna eile óstála gréasáin.

Seiceáil go n-oibríonn an nasc ó laistigh den cháipéis a uaslódáil tú – i.e., go nascann sé i gceart le d'ábhar ar YouTube.

Mura mian leat go mbeadh ábhar a uaslódáilann tú chuig YouTube chun críocha d'iarratais le feiceáil go poiblí, féadfaidh tú d'fhíseán a ainmniú mar cheann 'neamhliostaithe' sna socruithe. Ná marcáil d'ábhar mar 'príobháideach' mar nach mbeidh measúnóirí na Comhairle Ealaíon in ann breathnú air.

### **Comhaid a ainmniú go cuí**

Maidir le gach comhad a bhfuil sé ar intinn agat é a uaslódáil, tabhair comhadainm air a léiríonn go soiléir cad atá ann nó cad a léirítear leis. Mar shampla ba cheart go mbeadh sé soiléir ó ainm an chomhaid cibé an CV, téacs samplach nó léirmheas ar shaothar roimhe seo atá sa cháipéis.

Cuir cáipéisí tacaíochta isteach i gcomhaid ar leith atá ainmnithe go cuí.

---

<b>Ainmneacha maithe le tabhairt ar chomhaid i gcás iarratasóra darb ainm Jack Russell</b>	russelljack Tionscadal Litríochta iarratas.doc russelljack gearrthóg léirithe.mp4 russelljack Tionscadal Litríochta teimpléad buiséid babhta 2.xls russelljack nasc youtube.doc
--	--

---

Is é **40 MB** an t-uasmhéid iomlán maidir leis an ábhar tacaíochta ar fad a uaslódáiltear le hiarratas amháin.

## **2.4 D'iarratas a dhéanamh ar líne**

Chun d'iarratas a chur isteach ar líne, ní mór duit dul trí cheithre phríomhchéim. Clliceáil ar **Sábháil dréacht** ag deireadh gach céime. Is féidir leat teacht ar ais chuig d'iarratas agus é a athbhreithniú tráth ar bith sula gcuirfidh tú isteach ar deireadh é.

### 1. Roghnaigh clár maoinithe agus íoslódáil an fhoirm iarratais

Chun tús a chur le hiarratas nua, cliceáil ar an gcnaipe **Déan iarratas** ar do leathanach baile, agus lean na leideanna chun an clár cuí maoinithe a roghnú agus chun uimhir uathúil thagartha a thabhairt do d'iarratas, trína n-aithneofar é. Ag an gcéim seo, is féidir leat an fhoirm iarratais a íoslódáil freisin (mura bhfuil sé sin déanta agat cheana féin).

### 2. Iarr méid an mhaoinithe

Ag an gcéim seo, sonraigh an caiteachas agus an t-ioncam a bhaineann le do thogra, agus méid an mhaoinithe atá á iarraidh agat. Ba cheart gurb ionann an méid a iarrtar agus **Caiteachas iomlán** lúide **Ioncam iomlán**. Ba cheart go mbeadh na figiúirí deiridh a iontrálann tú anseo díreach cosúil leo siúd a iontrálann tú i gcuid 3 den fhoirm iarratais agus i do bhuiséad mionsonraithe.

### 3. Uaslódáil an fhoirm iarratais agus an t-ábhar tacaíochta

Lean na leideanna chun d'fhoirm iarratais atá comhlánaithe agus sábháilte agat a uaslódáil, mar aon le buiséad mionsonraithe, CVanna agus aon ábhar tacaíochta riachtanach eile (féach ar chuid **1.7 Cén t-ábhar tacaíochta nach mór duit a chur isteach le d'iarratas?**). Ní gá duit gach rud a uaslódáil ag an am céanna. Is féidir leat d'iarratas a shábháil mar dhréacht, agus teacht ar ais chuige níos déanaí.

### 4. Seol an t-iarratas

Nuair a bheidh tú sásta go bhfuil gach rud atá de dhíth chun tacú le d'iarratas uaslódáilte agat, cliceáil **Cuir isteach**.

Ní féidir an t-iarratas a athrú tar éis é a chur isteach. Ná cuir an t-iarratas isteach go dtí go mbeidh tú iomlán sásta leis.

Ba cheart go bhfaighfeá dhá ríomhphost ina dhiaidh sin. Eiseofar an chéad cheann láithreach bonn nuair a gheobhaidh an Chomhairle Ealaíon d'iarratas. D'fhéadfá an dara ceann a fháil cúpla nóiméad ina dhiaidh sin agus d'uimhir iarratais ann, a úsáidfear i ngach comhfhreagras a bhainfidh leis an iarratas seo. **Tabhair faoi deara:** tá sé tábhachtach go rachfá i dteagmháil le [onlineservices@artscouncil.ie](mailto:onlineservices@artscouncil.ie) mura bhfaigheann tú an dara ríomhphost deimhnithe ina mbeidh an uimhir iarratais.

## 3. Próiseáil agus measúnú na n-iarratas

---

### 3.1 Forbhreathnú

Déanann an Chomhairle Ealaíon gach iarratas a mheas, tugann sí breith orthu agus cuireann sí a breith in iúl do na hiarratasóirí de réir na nósanna imeachta atá leagtha síos. Is é an aidhm atá ann a chinntiú go bhfuil córas cothrom trédhearcach ann maidir le dámhachtainí a bhronnadh.

### 3.2 An próiseas measúnaithe

Déanann an Chomhairle Ealaíon gach iarratas a fhaightear a phróiseáil mar seo a leanas:

---

- 1 I ndiaidh d'iarratas a chur isteach, ba cheart go bhfaighfeá dhá ríomhphost:
  - Eiseofar an chéad cheann láithreach bonn, agus admhófar d'iarratas leis.
  - Ba cheart go dtiocfadh an dara ceann cúpla nóiméad ina dhiaidh sin. Beidh d'uimhir iarratais ann, a mbainfimid úsáid aisti sa chomhfhreagras ar fad faoi d'iarratas.

**Tabhair faoi deara:** ní chiallaíonn na ríomhphoist seo ach go n-aithníonn an córas ar líne gur chuir tú iarratas isteach. Ní chiallaíonn siad go bhfuil d'iarratas incháilithe le haghaidh maoiniú.

Mura bhfaigheann tú ríomhphost ina mbeidh d'uimhir iarratais, téigh i dteagmháil le [onlineservices@artscouncil.ie](mailto:onlineservices@artscouncil.ie).

---

- 2 Seiceáiltear inghlacthacht an iarratais. Féach ar chuid **1.8 Incháilitheacht** thuas.
  - 3 Déanann comhairleoir(i) agus/nó an fhoireann measúnú scríofa ar an iarratas bunaithe ar na critéir mheasúnaithe a leagtar amach i gcuid 3.3 thíos.
  - 4 Molann comhairleoir(i) agus/nó an fhoireann ar cheart iarratas a chur ar an ngearrliosta nó nár cheart.
  - 5 Déanann an painéal piaraí athbhreithniú ar na hiarratais go léir ar an ngearrliosta agus ar an ábhar gaolmhar, ansin tugann sé scóir agus déantar cinntí.
  - 6 Cuirtear na cinntí in iúl do na hiarratasóirí i scríbhinn.
  - 7 Déanann an Chomhairle nóta de na cinntí.
- 

#### Achar ama

Déanann an Chomhairle Ealaíon dianiarracht iarratais a mheasúnú chomh luath agus is féidir ach mar gheall ar líon na n-iarratas agus ar an bpróiseas dianmheasúnaithe, tógfaidh sé suas le deich seachtaine ón spriocdháta go dtí go ndéanfar an cinneadh.

### 3.3 Critéir chun iarratais a mheasúnú

Déantar iarratais a mheasúnú i gcomhthéacs iomaíoch agus cuirtear an fhoirm iarratas agus na hábhair thacaíochta san áireamh. Déantar measúnú ar gach iarratas i gcoinne na gcritéar seo a leanas: **a)** fiúntas ealaíne, **b)** an chaoi a gcomhlíonann siad cuspóirí agus tosaíochtaí na dámhachtana, agus

**c)** indéantacht. Cuirtear síos ar gach ceann de na critéir sin thíos.



Cé go bhféadfadh iarratasóirí foirmeacha ealaíne/cleachtas ealaíon eile a roghnú mar chinn a bhaineann lena n-iarratas, déanfaidh an fhoireann atá freagrach as an bpríomhfhoirm ealaíne roghnaithe measúnú ar an iarratas agus d'fhéadfaidís siúd, i gcásanna áirithe, measúnú tánaisteach a iarraidh ó fhoireann eile.

### **Fiúntas ealaíne**

Dírítear le measúnú ar an bhfiúntas ealaíne ar an iarratasóir agus orthu siúd atá bainteach leis an tionscadal, chomh maith leis an gcineál gníomhaíochta ealaíon atá beartaithe, agus áirítear leis breathnú ar an méid seo a leanas:

- Caighdeán an smaoinimh agus na gníomhaíochta ealaíon atá beartaithe
- Cuntas teiste an iarratasóra agus an phearsanra ealaíonta a bhfuil baint acu leis an tionscadal faoi mar a thaispeántar é ina CVanna agus sna hábhair thacaíochta eile a cuireadh isteach
- Acmhainn an iarratasóra agus an phearsanra ealaíonta de réir mar atá léirithe san fhoirm iarratais agus san ábhar tacaíochta a cuireadh isteach
- Comhthéacs na foirme ealaíne nó an chleachtas ealaíon lena mbaineann an ghníomhaíocht atá beartaithe
- An uailmhian, an úrnuacht agus an iniúlacht atá léirithe sa togra
- Conas a léirítear nuálaíocht, triail agus comhoibriú san iarratas.

### **Cuspóirí agus tosaíochtaí na dámhachtana a chomhlíonadh**

Déantar iarratais a mheasúnú de réir a fheabhas a éiríonn leo cuspóirí agus tosaíochtaí na dámhachtana a chomhlíonadh – (féach ar chuid **1.1 Cuspóirí agus tosaíochtaí na dámhachtana**).

### **Indéantacht**

Breathnaítear sa mheasúnú indéantachta ar an gcumas a léiríonn an t-iarratasóir an ghníomhaíocht atá beartaithe a chomhlíonadh. Áirítear air sin breathnú ar na nithe seo a leanas:

- Cuntas teiste an phearsanra a bhfuil baint acu leis an tionscadal a bhainistiú, a riar, agus a sholáthar
- A mhéid a léiríonn an t-iarratasóir go bhfuil coinníollacha agus luach saothair cothrom á soláthar do na healaíontóirí rannpháirteacha
- A mhéid is atá comhpháirtithe tionscadail aitheanta páirteach nó tiomanta
- An buiséad atá beartaithe
- Foinsí eile ioncaim
- Acmhainní eile atá ar fáil agus an teacht atá orthu
- An clár ama nó an sceideal atá beartaithe.

## **3.4 Painéil phiaraí**

Is é cuspóir chruinnithe an phainéil piaraí ná éagsúlacht tuairimí saineolacha a cheadú chun faisnéis a chur ar fáil don phróiseas cinnteoireachta. De ghnáth cuimsíonn painéil phiaraí triúr moltóirí seachtracha ar a laghad a bhfuil saineolas ábhartha acu ar an bhfoirm ealaíne agus/nó ar an gcleachtas ealaíon.

Bíonn comhalta de chuid na Comhairle Ealaíon i gceannas ar gach cruinniú de ghnáth agus gníomhaíonn an comhalta sin mar chathaoirleach gan ceart vótála. Freastalaíonn comhairleoirí agus foireann na Comhairle Ealaíon ar na cruinnithe de réir mar is gá, agus bíonn na daoine a raibh baint acu le measúnú tosaigh na n-iarratas ar fáil chun faisnéis a sholáthar, de réir mar is gá. Beidh rochtain ag lucht an phainéil ar gach iarratas ar an ngearrliosta agus ar an ábhar gaolmhar go léir lá roimh an gcruinniú, tráth a ndéanann siad na hiarratais ar an ngearrliosta a athbhreithniú, a phlé agus a scóráil. Ina dhiaidh sin, déantar iarratais a rangú de réir scóir. Mar thoradh ar an gcomhthéacs iomaíoch agus ar an mbuiséad ar fáil, is dóigh nach mbeidh an Chomhairle Ealaíon in ann a mhaoiniú ach líon beag de na hiarratais a gheofar.

### Próiseas Scórála

Iarrtar ar an bpainéal na hiarratais a scóráil de réir an chórais seo a leanas:

- **A – Caithfear a Mhaoiniú** (10 bpointe): dar leis an gcomhalta painéil gur comhlíonadh na critéir go léir san iarratas le haghaidh na dámhachtana agus go bhfuil maoiniú tuillte aige ar an mbonn sin, an méid atá á iarraidh más féidir.
- **B – Ba Chóir a Mhaoiniú** (8 bpointe): dar leis an gcomhalta painéil gur comhlíonadh na critéir san iarratas an oiread sin go bhfuil maoiniú tuillte aige má tá acmhainní ar fáil.
- **C – D'fhéadfaí a Mhaoiniú** (5 phointe): dar leis an gcomhalta painéil gur comhlíonadh na critéir san iarratas, ach ní an oiread sin leis na hiarratais eile ó thaobh iomaíochta de.
- **D – Ní Tosaíocht É** (2 phointe): dar leis an gcomhalta painéil nár comhlíonadh na critéir san iarratas an oiread sin go bhfuil maoiniú tuillte aige.

### Dearbhú leasa

D'fhonn cothroime agus cothromas sa chinnteoireacht a chinntiú, ní mór do chomhaltaí painéil leas a dhearbhu má tá dlúthcheangal pearsanta nó gairmiúil acu le hiarratasóir nó má tá baint acu ar shlí ar bith leis an iarratas. Féadann 'leas' a bheith ina 'leas airgid' nó ina 'leas neamhairgid' (e.g. gaol muintire, comhpháirtíochtaí pearsanta, nó comhpháirtíochtaí gnó idir fhoirmiúil agus neamhfhoirmiúil, etc.)

Ní mór an leas a dhearbhu a luaithe agus is eol don chomhalta painéil é. D'fhéadfadh sé sin tarlú nuair a iarrtar air/uirthi suí ar an bpainéal (más eol an 'leas' ag an bpointe sin) nó tar éis liosta na n-iarrthóirí a fháil. I gcás go ndearbhaítear leas, ní bhfaighidh an comhalta painéil sin páipéir a bhaineann leis an iarratas sin agus beidh air nó uirthi an seomra a fhágáil nuair a bhíonn an t-iarratas ar leith á athbhreithniú. Nuair a thagann an cás sin aníos, vótálfaidh an Cathaoirleach in ionad an chomhalta painéil.

I roinnt cásanna b'fhéidir nach dtuigfeadh comhalta painéil go bhfuil coinbhleacht leasa ann go dtí go bhfaigheann sé/sí na páipéir phainéil chun iad a athbhreithniú. I gcásanna den sórt sin ní mór don chomhalta painéil ball foirne den Chomhairle Ealaíon nó Cathaoirleach an phainéil a chur ar an eolas chomh luath agus a thuigeann siad go bhféadfadh coinbhleacht leasa a bheith i gceist.

Sa chás go gcuireann beirt ón bpainéal in iúl go bhfuil coinbhleacht leasa acu i leith aon iarratais amháin, beidh an cathaoirleach páirteach mar chuid den phróiseas cinnteoireachta i gcás an iarratais shonraigh sin.

Má tá coinbhleacht leasa ag Cathaoirleach ainmnithe an phainéil, ní mór dó/di é sin a dhearbhu a luaithe agus is eol dó/di go bhfuil a leithéid ann agus an fógra sin a thabhairt i scríbhinn roimh an gcruinniú. Sa chás sin, beidh an Ceann Foirne mar chathaoirleach ar an bplé a dhéanfar maidir leis an iarratas a bhfuil coinbhleacht leasa i gceist leis.

### 3.5 Toradh na n-iarratas

Cuirtear gach iarratasóir ar an eolas i scríbhinn maidir le toradh a n-iarratas.

Má éiríonn le d'iarratas, cuirfear litir thairisceana chugat ina sonrúfar méid an mhaoinithe a bhronnfar ort agus téarmaí agus coinníollacha na dámhachtana. Inseofar duit freisin conas do dhámhachtain a tharraingt anuas.

Faigheann an Chomhairle Ealaíon líon mór iarratas, agus bíonn an t-éileamh ar mhaoiniú i gcónaí níos mó ná na hacmhainní a bhíonn ar fáil. Mura n-éireoidh le d'iarratas, is féidir leat aiseolas a iarraidh ar fhoireann na Comhairle Ealaíon. Níl aon ghealltanas ann go mbronnfar dámhachtain mar gheall ar incháilitheacht agus ar chomhlíonadh nósanna imeachta iarratais amháin.

Níl iarratasóirí nach n-éireoidh leo incháilithe chun iarratas a dhéanamh ar dhámhachtain eile de chuid na Comhairle Ealaíon le tabhairt faoin ngníomhaíocht chéanna. Más dóigh leis an gComhairle Ealaíon go mbeadh an ghníomhaíocht atá beartaithe níos feiliúnaí do chlár dámhachtana eile is féidir eisceacht a dhéanamh. I gcás dá leithéid, cuirfear é sin in iúl duit i scríbhinn.

#### **Achomhairc**

Is féidir le hiarratasóirí cinneadh maoinithe a achomharc má mheasann siad gur sáraíodh nósanna imeachta foilsithe na Comhairle Ealaíon, nó gur cuireadh i bhfeidhm go héagórach iad nó nár cloíodh leo. Má mheasann tú nár cloíodh le nósanna imeachta na Comhairle Ealaíon, breathnaigh ar an bpróiseas achomharc ar <http://www.artscouncil.ie/ga/Maoiniu/Achomhairc/> nó téigh i dteagmháil leis an gComhairle Ealaíon le haghaidh cóip den bhileog faisnéise faoin bpróiseas achomharc.